

317

AD QVODLIBETARIAM
QVAESTIO MEDICA
MATVTINIS EXAGITANDA DISPVATIONIBVS
IN SCHOLIS MEDICORVM PARISDIE IOVIS XXII.FEBRVARII
M. IOANNE RIOLANO DOCTORE MEDICO MODERATORE PRVDENTISSIMO.

Potestne homo nullo assumpto alimento vltra 7. dies viuere?



VAMVIS Natura nullo vnquam Doctore vsa sit, tamen veluti docta facit omnia in pondere, numero, & mensura: Coelestem enim mundum distinxit à sublunari vt formam à materia, efficiens à patiente: vt coeli ministerio ex quatuor elementis non tantum secundum qualitates, sed etiam secundum formas permistis, potentia tamen non actu in misto remanentibus, generaret omnia: eaque propter hominem.



VI inanimis vitur vt medicamenti non vt alimentis: animatis verò vt alimentis & medicamenti: Alimentis vt indefinentem iacturam humidi primigenij replet, cuius praesentia vita, eiusdem priuatione mors definitur. Viunt autem diutius, non quibus illius plus inest, sed quibus crassius & tenacius. Hinc plantae viuaciores animalibus, & eadem causa terrestria animalia aquaticis permanentiora: mares foemellis. Medicamentis verò vitur vt eterogenea quae coctione multiplici calor secreuit, foras exigit, cathartici per alium, diuretici per vesicam, hydrotici per cutem, nullum enim alimentum tam simile quod non habeat aliquid dissimile; Hoc grauat naturam nisi vacuetur, eandem illud consumat si assimiletur.



ASSIMILATIONEM idcirco praecedat duplex coctio; prima quod siccus est separatur à secretrice (prima & praecipua inter naturales facultates) & in alium vt in sentinam ablegatur, in quo permanens vitalis caloris vestigium vermes longos, latos, rotundos, & ascarides excuscat: secunda fel, limus & vrina secernuntur à sanguine, vt defaecatus tradatur assimilatrici, quae ex eo sudorem & sordes elicit antequam actu nutriat, fiatque ex non viuente actu viuens: sudorem inquam, non tantum inutile, sed etiam praeter naturam excrementum.



SPRITVS assidue vanescentes reparat necessarè respirandus aer: Proinde respiratio naturali similior quam animali. Alibilis succi, qui reponitur in locum primigenij penuriam suppleant potulenta & esculenta, humida non sicca, neque enim siccis, sed humidis solis nutrimur.



SANGVIS est vltimum alimentum: frustra enim videntur in scholas introducti quatuor humores secundarij. Solus concluditur venis, non quatuor humores: qui etiam corruptus nutrit: quandiu autem illius, qualiscunque fuerit, modicum superest (quod, etiam non assumpto alimento, vel pituita dulcis, vel aer incrassatus, vel colliquamentum abundè possunt suggerere, praesertim languido calori, corpore non admodum perspirabili) tandiu vita perdurat.

Ergo homo nullo assumpto alimento vltra 7. dies potest viuere.

PROPONEBAT ANDREAS LE GROS PARISIENS. ANNO DOMINI 1601.

DOMINI DOCTORES DISPVATVRI.

*M. Hieronymus Taquet.
M. Simon Bazin.
M. Nicolaus Pietre.*

*M. Martinus Alesia Profess. Regius.
M. Petrus Paulmier.
M. Petrus Ponçon Profess. Regius.*

*M. Georgius Cornuti.
M. Ioannes le Moine.
M. Petrus Lassile Med. Reg.*

